

COVID-19-ի ՀԱՄԱՐ ՈԼՈՐՏԱՅԻՆ ՈՒՂԵՑՈՒՅՑ

Կեմախնգներ,
ավտոֆուրգոնների
կայանատեղիներ,
դահուկային սպորտի
գոտիներ և այլ բացօթյա
հանգստի վայրեր

Դեկտեմբերի 1, 2020թ.

Այս ուղեցույցը նախատեսված է ողջ նահանգում
բացվող սեկտորների և իրականացվող
գործունեության համար: Սակայն, տեղական
առողջապահական պաշտոնյաները կարող են ավելի
խիստ կանոններ կիրառել՝ կախված տեղական
համաճարակաբանական վիճակից, հետևաբար,
գործատուները պետք է հաստատեն տեղերում
հաստատությունների վերաբացման
համապատասխան կանոնները:

ԱԿՆԱՐԿ

2020թ. մարտի 19-ին Կալիֆոռնիայի Հանրային առողջապահության տեսուչը և Կալիֆոռնիայի Հանրային առողջապահության դեպարտամենտի (CDPH) տնօրենը հրաման արձակեցին, համաձայն որի Կալիֆոռնիայի բնակչության մեծ մասից պահանջվում էր մնալ տանը՝ բնակչության շրջանում COVID-19-ի տարածումը կանգնեցնելու նպատակով:

COVID-19-ի ազդեցությունը կալիֆոռնիացիների առողջության վրա դեռևս ամբողջովին հայտնի չէ: Հիվանդության հայտնի դեպքերը եղել են շատ մեղմից (որոշ մարդիկ ախտանշաններ չունեն) մինչև ծանր՝ մահվան ելքով: Որոշ խմբեր՝ ներառյալ 65 կամ ավել տարիքի կամ ուղեկցող ծանր հիվանդություն ունեցող մարդիկ, ինչպիսիք են՝ սրտանոթային կամ շնչառական հիվանդությունները կամ շաքարային դիաբետը, գտնվում են հոսպիտալացման և լուրջ բարդությունների ավելի բարձր ռիսկային գոտում: Վարակի փոխանցումն ամենից հավանականն է, երբ մարդիկ գտնվում են վարակված անձի հետ սերտ շփման մեջ կամ վատ օդափոխվող տարածքում, նույնիսկ եթե տվյալ անձը որևէ ախտանիշ չունի կամ ախտանիշները դեռևս չեն եկել:

Ըստ ոլորտների և մասնագիտական խմբերի՝ ներառյալ կարևոր ենթակառուցվածքների աշխատողների շրջանում COVID-19-ով վարակվածների թվի և տոկոսի մասին ճշգրիտ տեղեկատվություն այս պահին հասանելի չէ: Եղել են բազմաթիվ բռնկումներ մի շարք աշխատավայրերում, ինչը ցույց է տալիս, որ աշխատողները գտնվում են COVID-19-ով վարակվելու կամ վարակը փոխանցելու ռիսկի տակ: Նման աշխատավայրերի օրինակներ են հիվանդանոցները, երկարաժամկետ խնամքի հաստատությունները, բանտերը, սննդի արտադրամասերը, պահեստները, մսի վերամշակման ֆաբրիկաները և մթերային խանութները:

«Մնա՛ տանը» որոշումները փոփոխելիս՝ կարևոր է ձեռնարկել բոլոր հնարավոր քայլերը՝ ապահովելու աշխատողների և հանրության անվտանգությունը:

Կանխարգելման հիմնական միջոցները ներառում են՝

- ✓ համապատասխան օդափոխության ապահովումը բոլոր տարածքներում,
- ✓ ֆիզիկական հեռավորության պահպանումը հնարավորինս առավելագույն չափով,
- ✓ աշխատողների (եթե չի պահանջվում շնչառական պաշտպանություն) և հաճախորդների կողմից դիմակների կրումը,
- ✓ ձեռքերի հաճախակի լվացումը և պարբերական մաքրումն ու ախտահանումը,
- ✓ COVID-19-ի կանխարգելման պլանի այս և այլ տարրերի վերաբերյալ աշխատակիցների ուսուցումը:

Բացի այդ, շատ կարևոր է տեղում պատշաճ գործընթացներ ունենալ՝ աշխատավայրում հիվանդության նոր դեպքեր հայտնաբերելու, և դրանց բացահայտվելուն պես արագ միջամտելու և առողջապահական պետական մարմինների հետ աշխատելու համար՝ վիրուսի տարածումը դադարեցնելու նպատակով:

ՆՊԱՏԱԿԸ

Այս փաստաթուղթում ուղեցույցներ են պարունակվում կեմպինգների, ավտոֆուրգոնների կայանատեղիների, դահուկային սպորտի օպերատորների (տե՛ս «Հավելյալ դիտարկումներ դահուկային սպորտի օպերատորների համար» բաժինը) և բացօթյա հանգստի օպերատորների/ծառայություններ մատուցողների համար՝ հանրության, աշխատակիցների, ստաժորների ու մարզիչների և կամավորների համար անվտանգ, մաքուր միջավայր պահպանելու նպատակով: Այս ոլորտների բիզնեսները բաց են բոլոր մակարդակներում, բայց պետք է հետևեն սույն ուղեցույցի փոփոխություններին:

Վարչաշրջանային մակարդակի կազավիճակի մասին ամենաթարմ տեղեկատվության համար այցելե՛ք [Ավելի անվտանգ տնտեսության նախագծի կայքը](#): Խնդրում ենք նկատի ունենալ, որ տեղական առողջապահական դեպարտամենտները կարող են ունենալ ավելի խիստ չափանիշներ և գործունեությունը դադարեցնելու տարբեր տեսակներ: Տե՛ս [ձեռ վարչաշրջանի տեղական ինֆորմացիան](#):

ՆՇՈՒՄ. Կեմպինգները, ավտոֆուրգոնների կայանատեղիները, դահուկային սպորտի օպերատորները և այլ բացօթյա հանգստի օպերատորները կարող են ունենալ գործունեության բազմաթիվ ասպեկտներ և առաջարկվող ծառայություններ, որոնք պահանջում են ծանոթանալ և հետևել այլ ուղեցույցների, որոնք բերված են [Ոլորտային ուղեցույցներ՝ ռիսկի նվազեցման համար](#) կայքում: Ընկերությունները պետք է ծանոթանան այդ ուղեցույցների հետ և կիրառեն համապատասխան պրոտոկոլները իրենց գործունեության բոլոր ասպեկտներում: Այդ գործունեությունները ներառում են.

- Հանրային սնունդը, կրպակները և բարերը (Ռեստորանների ուղեցույց)
- Նվերների խանութները, սարքավորումների վարձակալությունը և մանրածախ վաճառքը (Մանրածախ վաճառքի ուղեցույց)
- Հյուրանոցները և կեցավայրերը (Հյուրանոցների, վարձով բնակարանների և կարճատև վարձակալության ուղեցույց)
- Խաղերը և ժամանցը՝ ներառյալ միսի գոլֆը և ատրակցիոնները (Ընտանեկան ժամանցի կենտրոնների ուղեցույց)
- Ատրակցիոնները (Ատրակցիոնների և թեմատիկ զբոսայգիների ուղեցույց)
- Սպորտային դահլիճները և ֆիտնես-կենտրոնները՝ ներառյալ լողավազանները և բաղնիքները (Ֆիթնես հաստատությունների ուղեցույց)
- Երեխաների և պատանիների տարիքային խմբերը (Տարիքային խմբերի ուղեցույց)
- Պատանեկան սպորտը (Պատանեկան սպորտի ուղեցույց)
- Ցերեկային ճամբարները (Ցերեկային ճամբարների ուղեցույց)
- Մաքրքային և այլ տրանսպորտ (Հանրային և մասնավոր ուղևորափոխադրողների, տրանզիտային և միջքաղաքային երկաթգծի ուղեցույց)
 - Սահմանափակե՛ք մաքրքային ծառայությունները՝ որտեղ որ հնարավոր է՝ համապատասխան հաշմանդամ անձանց հանդեպ պարտավորությունների:
- Հրապարակների և շենքերի սպասարկման և պահնորդական ծառայությունները (Սահմանափակ ծառայությունների ուղեցույց)
- Բացօթյա բիզնես գործողությունների համար ժամանակավոր կառույցները (տե՛ս [CDPH ուղեցույցը](#))

- Բացօթյա խաղահրապարակները (տե՛ս [Բացօթյա խաղահրապարակների CDPH ուղեցույցը](#))

Այս ուղեցույցը նախատեսված չէ համերգների, ներկայացումների կամ զվարճանքների համար: Նման հաստատությունները պետք է փակ մնան՝ մինչև թույլ տրվի փոփոխված կամ լրիվ գործունեության վերսկսումը՝ համաձայն վերաբացման հատուկ հրամանի կամ ուղեցույցի:

Ուղեցույցը նախատեսված չէ չեղարկելու կամ վերացնելու աշխատողի որևէ իրավունք, որոնք սահմանված են օրենքով կամ նորմատիվ ակտով, կոլեկտիվ պայմանագրով, և այն չի հանդիսանում սպառիչ, ոչ էլ՝ փոխարինում է անվտանգության և առողջության վերաբերյալ որևէ նոր կանոնակարգող պահանջ, ինչպիսին է Cal/OSHA-ն՝ ներառյալ սպասվող [Արտակարգ իրավիճակներում ժամանակավոր ստանդարտը \(Emergency Temporary Standard\)](#), որը, ակնկալվում է, որ շուտով կգործի:¹ Մնացե՛ք տեղեկացված հանրային առողջապահական ուղեցույցի և նահանգային/տեղական հրամանների փոփոխությունների վերաբերյալ, քանի դեռ շարունակվում է COVID-19 իրավիճակը: Cal/OSHA-ն աշխատողներին կորոնավիրուսից պաշտպանելու համար պահանջներ պարունակող ավելի շատ անվտանգության և առողջապահական ուղեցույցներ ունի իր [Cal/OSHA ուղեցույցների վեբկայքում](#): Կալիֆոռնիայի Չբոսայգիների և բացօթյա հանգստի [դեպարտամենտն ունի առցանց ռեսուրսների կենտրոն նահանգային զբոսայգիների](#) և շահագործման վերաբերյալ թարմացումներ՝ ներառյալ անվտանգությանն առնչվող տեղեկությունները, որոնք հասանելի են պետական զբոսայգիների համար [Պետական զբոսայգիների սպասարկման վեբկայքում](#): CDC-ն [զբոսայգիների և հանգստյան գոտիների աղմինիստրատորների համար հավելյալ ուղեցույց ունի](#):

Դիմակների պահանջվող օգտագործումը

Առաջնորդվե՛ք [CDPH-ի՝ դիմակներ կրելու վերաբերյալ ուղեցույցով](#), որով համատարած պահանջվում է, որ և՛ հասարակության անդամները և՛ աշխատակիցները տնից դուրս գտնվող բոլոր հասարակական վայրերում և աշխատավայրերում դիմակներ կրեն: Բոլոր մանրամասները՝ ներառյալ սույն կանոններին առնչվող բոլոր պահանջները և բացառությունները, կարող եք գտնել այս [ուղեցույցում, որն անհրաժեշտ է պարբերաբար ստուգել թարմացումների համար](#):

Վարչական շրջանի կարգավիճակի մասին վերջին թարմացված տեղեկատվության համար այցելե՛ք [Ավելի անվտանգ տնտեսության նախագծի](#) կայքէջը: Խնդրում ենք նկատի ունենալ, որ տեղական առողջապահական դեպարտամենտները կարող են ունենալ ավելի խիստ չափանիշներ և գործունեությունը դադարեցնելու տարբեր տեսակներ: Տե՛ս [ձեր վարչաշրջանի տեղական ինֆորմացիան](#):



Տվյալ աշխատավայրի համար նախատեսված հատուկ պլան

- Յուրաքանչյուր հաստատությունում սահմանեք COVID-19-ի կանխարգելման՝ Աշխատավայրին հատկորոշ գրավոր պլան, կատարեք աշխատատեղերի և աշխատանքային պարտականությունների համար ռիսկերի համապարփակ գնահատում և յուրաքանչյուր հաստատությունում նշանակեք մեկ անձի, ով կիրականացնի նշված պլանը:
- CDPH-ի դիմակ կրելու ուղեցույցը ներառեք Աշխատավայրի համար նախատեսված հատուկ պլանում, որի մեջ մտնում է նաև բացառությունների կիրառման քաղաքականությունը:
- Տեղական առողջապահական դեպարտամենտի համար նշեք կոնտակտային տվյալներ առ այն, թե որտեղ է տեղակայված հաստատությունը՝ աշխատակիցների կամ հյուրերի մոտ COVID-19-ի բռնկումների մասին տեղեկություն հաղորդելու համար:
- Վերապատրաստեք և խոսեք աշխատողների և նրանց ներկայացուցիչների հետ պլանի շուրջ և վերջինս հասանելի դարձրեք աշխատողների և նրանց ներկայացուցիչների համար:
- Պարբերաբար գնահատեք աշխատավայրի համապատասխանությունը պլանին և փաստաթղթին և շտկեք հայտնաբերված թերությունները:
- Ուսումնասիրեք COVID-19-ի յուրաքանչյուր դեպք և որոշեք, թե արդյոք աշխատանքային որևէ գործոն կարող է նպաստած լինել վարակի վտանգին: Ըստ անհրաժեշտության, թարմացրեք պլանը՝ հետագա դեպքերը կանխարգելելու համար:
- Երբ աշխատավայրում բռնկում կա, [CDPH ուղեցույցներին](#) և տեղական առողջապահական դեպարտամենտի հրամաններին կամ ուղեցույցներին համապատասխան ընթացակարգեր և պրոտոկոլներ ներդրեք:
- Մշակեք կարանտինային միջոցներ կիրառելու ընթացակարգ ցանկացած կեմպինգի կամ ավտոֆուրգոնների կայանատեղիի աշխատակիցների համար, ովքեր ապրում են այդ տեղում:
- Հայտնաբերեք վարակված աշխատողի հետ անմիջական շփվողների շրջանակը (վեց ոտնաչափից պակաս հեռավորությամբ՝ 24 ժամում ընդհանուր առմամբ 15 րոպե կամ ավել գտնված) և քայլեր ձեռնարկեք՝ մեկուսացնելու COVID-19-ի թեստի դրական արդյունքով աշխատակից(ներ)ին և անմիջական շփում ունեցողներին:
- Գրավոր ծանուցեք բոլոր աշխատակիցներին և ենթակապալառու աշխատակիցների գործատուներին, ովքեր կարող են վարակված լինել COVID-19-ով և տեղական առողջապահական դեպարտամենտին զեկուցեք աշխատավայրում առկա բռնկման վերաբերյալ: [AB 685](#)-ի (Գլուխ 84, 2020թ. օրենսդրական ակտեր) ներքո գործատուի պարտականությունների մասին հավելյալ տեղեկությունների համար, նայեք [Ընդլայնված իրավական նորմերին և գործատուների հաշվետվողականության նկատմամբ պահանջներին](#)

[\(Enhanced Enforcement and Employer Reporting Requirements\)](#)՝ ըստ Cal/OSHA-ի, և [AB 685-ի վերաբերյալ Գործատուի հարցերին](#)՝ ըստ CDPH-ի:

- Հետևեք ստորև ներկայացված ուղեցույցներին: Սա չանելը կարող է հանգեցնել աշխատավայրում հիվանդության բռնկմանը, ինչը կարող է բերել հաստատության վրա ժամանակավոր ազդեցության կամ փակման:



Աշխատակիցների ուսուցման թեմաներ

- Տեղեկություններ [COVID-19](#)-ի մասին, ինչպես կանխել դրա տարածումը, և ծանր հիվանդանալու կամ մահանալու առումով որ [մարդիկ են գտնվում բարձր ռիսկի տակ](#):
- Ինքնազգացողության ստուգում տանը՝ ներառյալ ջերմության չափում և/կամ ախտանշանների ստուգում՝ օգտագործելով [CDC ուղեցույցները](#):
- Աշխատանքի չգալու կարևորությունը.
 - Եթե աշխատողը COVID-19-ի ախտանշաններ ունի, ինչպես նկարագրված է CDC-ի կողմից, ինչպիսիք են՝ տենդը կամ դողերոցը, հազը, հևոցը կամ շնչառության դժվարությունը, հոգնածությունը, մկանային կամ մարմնի ցավը, գլխացավը, համի կամ հոտի նոր առաջացած կորուստը, կոկորդի ցավը, քթի խցանումը կամ հոսքը քթից, սրտխառնոցը, փսխումը կամ փորլուծությունը, ԿԱՄ
 - Եթե աշխատողի մոտ ախտորոշվել է COVID-19 և նա դեռևս դուրս չի եկել մեկուսացումից, ԿԱՄ
 - Եթե վերջին 14 օրվա ընթացքում աշխատողը շփվել է մեկի հետ, ում մոտ ախտորոշվել է COVID-19, և ով համարվում է պոտենցիալ վարակիչ (այսինքն՝ դեռևս մեկուսացման մեջ է գտնվում):
- COVID-19 ախտորոշումից հետո վերադարձեք աշխատանքի միայն [COVID-19 ախտորոշումից հետո աշխատանքի կամ դպրոց վերադառնալու վերաբերյալ CDPH ուղեցույցին](#) համապատասխանելուց հետո:
- Դիմեք բժշկի, եթե ախտանիշներն ուժեղանում են՝ ներառյալ մշտական ցավը կամ ճնշումը կրծքավանդակում, գիտակցության շփոթվածությունը կամ կապտած շրթուկները կամ դեմքը: Թարմացումներն ու հետագա մանրամասները հասանելի են [CDC-ի կայքէջում](#):
- Ձեռքերը օճառով և ջրով հաճախակի լվանալու կարևորությունը՝ ներառյալ օճառով 20 վայրկյան շփելը (կամ եթե աշխատողներին տվյալ պահին հասանելի չէ ծորակը, ապա առնվազն 60%-ոց էթանոլով (նախընտրելի է) կամ 70%-ոց իզոպրոպանոլով (եթե այն հասանելի չէ վերահսկողությունից դուրս գտնվող երեխաների համար), երբ աշխատակիցները չեն կարող մոտենալ լվացարանին կամ ձեռքերը լվանալու կետին՝ համաձայն [CDC ուղեցույցների](#)): Երբեք մի՛ օգտագործեք [մեթանոլ](#) պարունակող ձեռքի ախտահանիչներ, քանի որ այն ունի թունավորության բարձր մակարդակ ինչպես երեխաների, այնպես էլ չափահասների համար:

- Ֆիզիկական հեռավորություն պահպանելու կարևորությունն ինչպես աշխատանքի, այնպես էլ աշխատանքից դուրս ժամանակահատվածում (տե՛ս «Ֆիզիկական հեռավորության պահպանումը» բաժինը ստորև):
- Դիմակների պատշաճ կրումը՝ ներառյալ
 - o Դիմակները որոշակի պաշտպանություն են ապահովում կրողին, բայց նախատեսված չեն վիրուս պարունակող մասնիկների գտման ստանդարտներին համապատասխանելու:
 - o Դիմակները չեն փոխարինում ֆիզիկական հեռավորություն պահպանելու և ձեռքերը հաճախակի լվանալու անհրաժեշտությունը:
 - o Դիմակները պետք է ծածկեն քիթն ու բերանը:
 - o Աշխատողները պետք է լվանան կամ ախտահանեն իրենց ձեռքերը՝ դիմակները կրելուց կամ դեմքի վրա ուղղելուց անմիջապես առաջ կամ հետո:
 - o Խուսափե՛ք աչքերին, քթին և բերանին դիպչելուց:
 - o Դիմակները չի կարելի համատեղ օգտագործել, և դրանք պետք է լվացվեն կամ դեն նետվեն յուրաքանչյուր օգտագործումից հետո:
- [CDPH-ի՝ դիմակներ կրելու վերաբերյալ ուղեցուցում](#) ներառված տեղեկությունները, որով սահմանվում են այն հանգամանքները, որոնց ներքո դիմակ կրելը պարտադիր է, ինչպես նաև այն բացառությունները, քաղաքականությունները և աշխատանքային կանոնները և մեթոդները, որոնք գործատուն ընդունել է՝ ապահովելու դիմակների կրումը: Վերապատրաստումը պետք է նաև ներառի գործատուի քաղաքականությունն այն մասին, թե ինչպես պետք է վարվել այն մարդկանց հետ, ովքեր ազատված են դիմակ կրելուց:
- Համոզվե՛ք, որ ցանկացած անկախ կապալառու, ժամանակավոր կամ պայմանագրային աշխատող կամ կամավոր՝ ներառյալ ճամբարում հյուրընկալողները, պատշաճ իրազեկված են COVID-19-ի կանխարգելման կանոնների մասին, ինչպես նաև ունեն անհրաժեշտ պարագաները և անհատական պաշտպանիչ միջոցները (PPE): Սույն պարտականությունները նախապես քննարկե՛ք ժամանակավոր և/կամ պայմանագրային աշխատողներ կամ կամավորներ տրամադրող կազմակերպության հետ:
- Տեղեկություններ վճարովի արձակուրդների մասին, որոնք աշխատողները կարող են ստանալ և ինչի շնորհիվ ֆինանսապես հեշտ կլինի մնալ տանը: Տե՛ս հավելյալ տեղեկությունները [պետական ծրագրերի վերաբերյալ, որոնք աջակցում են հիվանդության պատճառով բացակայությանը և COVID-19-ի պատճառով աշխատողների փոխհատուցմանը](#)՝ ներառյալ հիվանդության պատճառով աշխատողների բացակայության իրավունքները՝ համաձայն [Ընտանիքների կորոնավիրուսային առաջին](#) արձագանքման ակտին:



Անհատական վերահսկողության միջոցառումներ և սքրինինգ

- Կատարեք ջերմաստիճանի և/կամ ախտանիշների սքրինինգ բոլոր աշխատակիցների համար նրանց հերթափոխի սկզբին, ինչպես նաև հաստատություն մտնող բոլոր մատակարարների կամ պայմանագրային աշխատողների համար: Համոզվեք, որ ջերմության/ախտանիշների սքրինինգ անցկացնողը հնարավորինս խուսափում է աշխատողների հետ սերտ շփումից:
- Եթե պահանջվում է տանը սքրինինգ կատարել, որը հաստատությունում իրականացնելու պատշաճ այլընտրանք է, համոզվեք, որ աշխատողը սքրինինգն իրականացրել է նախքան հերթափոխի գնալը և որ հետևում է [CDC ուղեցույցներին](#)՝ ինչպես նկարագրված է «Աշխատակիցների վերապատրաստման թեմաներ» վերոնշյալ բաժնում:
- Խրախուսեք աշխատողներին, ովքեր հիվանդ են կամ COVID-19-ի ախտանիշներ ունեն, մնալ տանը:
- Գործատուն պետք է տրամադրի և ապահովի աշխատակիցների կողմից պաշտպանիչ միջոցների օգտագործումը, ներառյալ՝ աչքերի պաշտպանություն և ձեռնոցների կրում՝ ըստ անհրաժեշտության:
- Գործատուն պետք է մտածի, թե որտեղ կարող են մեկանգամյա օգտագործման ձեռնոցներ պետք գալ՝ ի լրումն հաճախակի ձեռքերը լվանալուն կամ ձեռքի ախտահանող միջոց օգտագործելուն, օրինակ՝ այն աշխատողների համար, ովքեր ուրիշների ախտանիշների սքրինինգ են անցկացնում կամ գործ ունեն հաճախակի հավող առարկաների հետ:
- Գործատուները պետք է ողջամիտ միջոցներ ձեռնարկեն՝ հիշեցնելու համար աշխատողներին, որ նրանք պետք է դիմակ կրեն և հաճախակի օճառով և ջրով լվանան իրենց ձեռքերը կամ ախտահանիչներ օգտագործեն:
- Գործատուները պետք է ապահովեն, որ աշխատակիցները հնարավորության դեպքում այլ անձանցից վեց ոտնաչափ հեռավորություն պահպանեն: Երբ դա անհնար է, շփման տևողությունը և հաճախականությունը պետք է նվազագույնի հասցվեն: Այն դեպքերում, երբ աշխատանքային պարտականությունները կանոնավոր շփում են պահանջում, գործատուները պետք է երկրորդային պատնեշ առաջարկեն (օրինակ՝ դեմքի վահաններ կամ պաշտպանիչ ակնոցներ) այն աշխատակիցներին, որոնք ցանկանում են դրանք օգտագործել և աշխատակիցների նախընտրության դեպքում թույլատրեն օգտագործել իրենց սեփականը:
- Եթե հնարավոր է՝ կապվեք կեմպինգներում, ավտոֆուրգոնների կայանատեղիներում, դահուկային սպորտի կամ այլ տեղերում ամրագրում արած այցելուների հետ, նախքան նրանց նշանակված ժամանումը՝ հաստատելու համար իրենց ամրագրումը, և հարցրեք, թե արդյոք իրենց ընտանիքի անդամներից որևէ մեկի մոտ կան COVID-19-ի ախտանիշներ: Եթե հաճախորդը կամ այցելուն դրական պատասխան է տալիս, վերանշանակեք կամ չեղարկեք ամրագրումը:
- Ժամանելուն պես՝ հաճախորդները պետք է ջերմության և/կամ ախտանիշների սքրինինգ անցնեն, նրանց կիսնդրեն օգտագործել ձեռքի ախտահանիչ, և պետք է բերեն և օգտագործեն դիմակ, եթե ազատված չեն ըստ [CDPH դիմակ կրելու](#)

[նւնեցույց](#): Բացօթյա հանգստի օպերատորները պետք է չեղարկեն ախտանիշներ ունեցող անհատների/խմբերի ամրագրումը և մուտքն արգելեն:

- Բոլոր այցելուները և հաճախորդները պետք է դիմակ կրեն՝ համաձայն [CDPH դիմակ կրելու ունեցույց](#), որը պահանջում է միշտ դիմակ կրել, երբ տնից դուրս են գտնվում՝ որոշ բացառություններով: Որպես պահանջի մաս՝ նախօրոք հիշեցրեք հյուրերին, որ իրենց հետ դիմակ բերեն և այն հասանելի դարձնեն որևէ մեկին, ով առանց դիմակ է ժամանել, եթե հնարավոր է:
- Բացօթյա հանգստի շատ գործեր կատարելիս, դիմակը պետք է կրել խաղալիս կամ ֆիզիկական վարժություններ կատարելիս՝ բացառությամբ այն դեպքերի, երբ անհատները կարող են առնվազն վեց ոտնաչափ ֆիզիկական հեռավորություն պահպանել իրենց ընտանիքի անդամ չհանդիսացող այլ մարդկանցից: Օրինակները ներառում են մարդկանց, ովքեր ակտիվ հանգստանում են, օրինակ՝ բաց տարածքներում ձիավարում են, ժայռ են մագլցում, դահուկ կամ սնուկբորդ են քշում: Համաձայն [CDPH դիմակ կրելու ունեցույց](#), նման անձինք պետք է իրենց մոտ դիմակ ունենան և այն կրեն, երբ գտնվում են իրենց ընտանիքի անդամ չհանդիսացող մարդկանցից վեց ոտնաչափից պակաս հեռավորության վրա:
- Բացօթյա հանգստի օպերատորները պետք է քայլեր ձեռնարկեն՝ ապահովելու համար, որ այցելուները նախքան ժամանումը լիովին իրազեկված լինեն հաստատության նոր քաղաքականության մասին: Նման քաղաքականության մեջ պետք է ներառված լինի օպերատորների իրավունքը՝ չեղարկել ախտանիշներով այցելուներ ունեցող խմբերի ամրագրումը, գրանցման և հաստատություն մուտք գործելու նոր գործընթացները, դիմակ կրելու և ֆիզիկական հեռավորություն պահպանելու պահանջները, և տարածքների, հարմարությունների և ընդհանուր օգտագործման վայրերի, ինչպես, օրինակ՝ գրանցման գոտիների, զբոսայգում գտնվող վաճառատների և այցելուների կենտրոնների մաքրման և ախտահանման ժամանակացույցը:
- Բացօթյա հանգստի օպերատորները պետք է քայլեր ձեռնարկեն, որպեսզի հանրությունն իմանա հաստատության նոր պրոտոկոլները: Սա կարող է ներառել սոցիալական ցանցերի, վեբկայքերի, տեքստային հաղորդագրությունների, էլեկտրոնային նամակների, տեղեկատվական թռուցիկների և այլնի օգտագործումը՝ հայտնելու համար հաճախորդներին, այցելուներին պաշտպանելու նպատակով ձեռնարկված քայլերի մասին, որպեսզի նրանք ծանոթ լինեն նորացված քաղաքականությանը (օր.՝ միշտ դիմակ կրելու և ֆիզիկական հեռավորություն պահելու պահանջները) նախքան հաստատություն ժամանելը:



Դիտարկումներ բացօթյա հանգստի եկած հաճախորդների և այցելուների համար

- Կեմպինգի, դահուկ քշելու, արշավների, գյուղական վայրերով զբոսնելու կամ բացօթյա այլ հանգստի համար այցելուները պետք է նախօրոք դա պլանավորեն: Պլանավորեք ձեր ճանապարհորդությունը անվտանգ և պատասխանատու կերպով: Հիշեք, որ հեռավոր վայրերում փրկարարական գործողություններ անցկացնելը շատ փրկարարներ է պահանջում, և առողջապահական ռեսուրսների վրա հավելյալ ծանրաբեռնվածությունը բոլորին ռիսկի տակ է դնում:
- Ըստ հնարավորության, այցելուները պետք է նախնական պատվեր կատարեն և մինչև գալը առցանց կամ հեռախոսով թույլտվություններ, վառելափայտ, սառույց և այլ ապրանքներ գնեն: Անկանխիկ գործարքները և նվազագույն շփումներով տրանսպորտային դառնում են սովորական գործառնություններ շատ հաստատություններում՝ խուսափելու համար հերթերից և անհատական փոխհարաբերություններից: Սա կօգնի պաշտպանելու այցելուներին և աշխատակիցներին:
- Այցելուները պետք է նախապատրաստվեն հնարավորինս ինքնուրույն և ինքնաբավ լինելուն: Օրինակ, եկեք պատրաստված՝ ձեր սեփական հանգստի պարագաներով, եթե հնարավոր է՝ օճառով, մակերեսների ախտահանման միջոցներով, ձեռքի ախտահանիչներով, թղթյա սրբիչներով/ձեռքի սրբիչներով և զուգարանի թղթով: Նաև ցանկալի է բերել ախտահանիչ անձեռնոցիկներ՝ ընդհանուր օգտագործման տարածքները մաքրելու համար՝ դրանցից օգտվելուց առաջ և հետո: Ըստ հնարավորության, բերեք ձեզ հետ ձեր սեփական սպորտային պարագաները, սրբիչները, դահուկային հանդերձանքը, առաջին օգնության պարագաները և այլ պարագաներ, որոնք անհրաժեշտ են բացօթյա հանգստի համար: Այցելուները պետք է բերեն պլաստիկ սփռոցներ պիկնիկի սեղանիկների համար, որոնք կարելի է դնել գցել կամ տանել տուն՝ լվալու համար:
- Ֆիզիկական հեռավորություն ապահովելու համար, այցելուները պետք է իրենց կեմպինգի տեղը կամ պիկնիկի տարածքն այնպես կազմակերպեն, որպեսզի առավելագույնս հեռու մնան հարևան կեմպինգի տեղերից և պիկնիկի տարածքներից, որտեղ գտնվում են տարբեր ընտանիքների անդամները:
- Այցելուները պետք է պատրաստ լինեն հետևելու բոլոր կանոններին և թարմացված քաղաքականությանը կեմպինգներում, ավտոֆուրգոնների կայանատեղիներում, դահուկային սպորտով զբաղվելու վայրերում և այլ բացօթյա հանգստի տարածքներում՝ ներառյալ հանրային զբոսայգիները, ուրքով զբոսնելու արահետները և նավամատույցները: Այս նոր կանոնները և քաղաքականությունները կարող են ներառել՝
 - Եկեք զբոսայգի կամ օբյեկտ նախապատրաստված: Շատ ծրագրեր և օբյեկտներ փակված կամ չեղարկված կլինեն, այնպես որ այցելուները պետք է ստուգեն առցանց ռեսուրսները՝ կանոնների փոփոխությունների և փակվելու մասին տեղեկություններ ստանալու համար, որպեսզի իմանան, թե ինչ կարող են անկախել ժամանելիս: Օրինակ, որոշ բացօթյա հանգստի գոտիներ դարպասները բացելու համար անհրաժեշտ ժամանակի,

օբյեկտների սպասարկման և հնարավոր մարդկային կուտակումների պատճառով կարող են անմիջապես չբացվել:

- Ծանոթացեք ինքնասպասարկման օբյեկտների և հարմարությունների մաքրման բոլոր պրոտոկոլների հետ՝ նախքան դրանցից օգտվելը:
- Պիկնիկի սեղանների և աթոռների պես կահույքը թողեք այնտեղ, որտեղ եղել են, քանի որ զբոսայգու աշխատակիցները համապատասխան կերպով են դրանք տեղադրել, որպեսզի խրախուսեն ֆիզիկական հեռավորության պահպանումը:
- Հետևեք ուղեցույցներին - օր.՝ սպասեք ձեր հերթին և պահպանեք տարողունակության սահմանափակումները, որոնք կապահովեն ֆիզիկական հեռավորությունը շենքերում, դիտակետերում և այլ սահմանափակ տարածքների շուրջ:



Օդափոխման, մաքրման և ախտահանման պրոտոկոլները

- Հաստատությունները պետք է ավելացնեն մաքուր օդի շրջանառությունը՝ հնարավորության դեպքում պատուհաններ կամ դռներ բացելով՝ անվտանգության և ապահովության պրոտոկոլներին համապատասխան:
- Փակ տարածքներում առավելագույնի հասցրեք օդափոխության համակարգերով մատակարարվող արտաքին օդի ծավալը: Տեղադրեք օդափոխության համակարգի հետ համատեղելի՝ ամենաբարձր արդյունավետության գոտիներ:
- Որտեղ հնարավոր է, տեղադրեք բարձր արդյունավետությամբ դյուրակիր օդամաքիչ սարքեր, հզորացրեք շինությունում տեղադրված օդի գոտիները հնարավոր ամենաբարձր արդյունավետությամբ և կատարեք այլ փոխփոխություններ՝ մեծացնելու դրսի օդի քանակությունը և բոլոր աշխատավայրերում և այլ փակ տարածքներում օդափոխության աստիճանը:
- Պարբերաբար ստուգեք [CDPH-ի վեբկայքը](#), որպեսզի տեղյակ լինեք օդակաթիլային ճանապարհով փոխանցվող հիվանդությունների վերաբերյալ փակ տարածքներում օդի որակի և շինություններում օդափոխման ցուցումների փոփոխությունների վերաբերյալ:
- Մաքրման և ախտահանման պրոտոկոլները կարևոր են միջանցքներում, գրանցման կետերում, զուգարաններում, գուֆի սալյակներում կամ մեքենաների ղեկանիվների, գոնդոլաների ամբարձիչների կամ այլ տարածքներում՝ ներառյալ նստեցման կետերը և սպասահրահները, շատ շփվող մակերեսների համար: Կանոնավոր կերպով մաքրեք և ախտահանեք հաճախորդների կամ աշխատողների կողմից հաճախ շփվող բոլոր մակերեսները՝ ներառյալ վարձակալության կետերը և հանգստի գոտիները և այլն:
- Ապահովեք բավարար թվով աշխատողներ և մաքրող և ախտահանող միջոցներ, որպեսզի կարողանաք վերսկսել սարքավորումների վարձակալման աշխատանքները: Հաճախորդների կողմից օգտագործելուց հետո պետք է

մաքրվեն և ախտահանվեն վարձույթով տրվող կամ համատեղ օգտագործվող բոլոր պարագաները՝ ներառյալ սպորտային սարքերը, դահուկները, բաճկոնները, սաղավարտները, կայակները, սերֆինգի տախտակները կամ թիակները, մակուկները, հեծանիվները, ձկնորսական պարագաները, փրկարար կիսաբաճկոնները և այլ պարագաներ:

- Բացօթյա հանգստի կազմակերպողները պետք է խորհրդակցեն սարքավորումներ արտադրողների հետ՝ պարզելու համար ախտահանման համապատասխան քայլերը, մասնավորապես՝ փափուկ, ծակոտկեն մակերեսների դեպքում: «Փափուկ ապրանքները», ինչպիսիք են փրկարարական կիսաբաճկոնները, հիդրոկոստյումները, բամբակյա պարանները, թամբի պայուսակները, ուսապարկերը և դահուկների մարզակոշիկների ներսի մասերը, արտադրողի կողմից խորհուրդ տրվող արդյունավետ մաքրման ընթացակարգեր են պահանջում: Հորդորեք այցելուներին իրենց հետ բերել և օգտագործել իրենց սեփական սարքավորումները, որտեղ որ հնարավոր է:
- Ընդունարանը, գրանցման տարածքները, սարքավորումների վարձույթի կետերը, աշխատանքային գոտիները և այլ տարածքներն ապահովեք ախտահանման պատշաճ միջոցներով՝ ներառյալ ձեռքի ախտահանող միջոցները և անձեռոցիկները:
- Որտեղ հնարավոր է, խուսափեք թղթադրամներ օգտագործելուց, և կրեդիտային քարտեր կարդացող սարքեր կիրառեք, ինչը հնարավորություն կտա հաճախորդներին գործարք կատարել իրենց սեփական քարտերով, այնպես, որ աշխատակիցները ստիպված չեն լինի դա անել իրենց փոխարեն: Եթե կրեդիտային քարտի մեքենաները խախտում են ֆիզիկական հեռավորությունը, աշխատակիցները պետք է մի փոքր հետ կանգնեն, քանի դեռ հաճախորդը վճարում է կատարում: Որտեղ հնարավոր է և նպատակահարմար, աշխատեք վճարային գործընկերների հետ, որպեսզի մեծացնեք գնումների համար նախատեսված դուլարային սահմանը, որով անձնական նույնականացման համար (PIN) կամ ստորագրություն չի պահանջվում:
- Եթե հնարավոր է, ամեն վաճառքի կետի (POS) տերմինալի մոտ մեկ աշխատակից նշանակեք: Մաքրեք և ախտահանեք տերմինալներն ամեն օգտագործումից և հերթափոխից հետո: Եթե մեկ POS տերմինալին մի քանի հոգի է կցված, աշխատակիցները պետք է լվանան ձեռքերն օճառով և ջրով կամ ձեռքի ախտահանիչ օգտագործեն ամեն օգտագործումից առաջ և հետո:
- Հաճախ առանց ջրի զուգարաններում, ինչպիսիք են շարժական զուգարանները և գետնափոր զուգարանները, չեն լինում ձեռքերի հիգիենայի միջոցներ: Հորդորեք այցելուներին պատրաստ լինել իրենց հետ 60% էթանոլ կամ 70% իզոպրոպիլային սպիրտ պարունակող ձեռքի սեփական ախտահանիչ բերելու՝ այդ հաստատություններում օգտագործելու համար: Եթե առկա է, համոզվեք, որ ձեռքեր լվանալու շարժական կայանները լավ վիճակում են և օճառի, սրբիչների և ջրի պաշարներն ամբողջովին լրացված են:
- Համոզվեք, որ սանիտարական հարմարությունները միշտ գործում են և համալրված են, ինչպես նաև տրամադրեք լրացուցիչ օճառ, թղթե անձեռոցիկներ և ձեռքի ախտահանիչներ՝ ըստ անհրաժեշտության:

Անձնական հիգիենան ապահովելու համար ռեսուրսներ տրամադրեք: Դա կներառի անձեռոցիկներ, անհայում աղբամաններ, ձեռքի օճառներ, ձեռքերը լվանալու համար բավարար ժամանակ, ալկոհոլային հիմքով ձեռքի ախտահանիչներ, ախտահանող անձեռոցիկներ և մեկանգամյա օգտագործման սրբիչներ:

- Ձեռքերը լվալու կամ ձեռքի ախտահանման հիգիենայի հավելյալ կետեր տրամադրեք բոլոր հաստատություններում, սպասասրահներում, սարքավորումների վարձակալության կետերում, օգնության և տեղեկատվական սեղանների, տոմսերի վաճառքի պատուհանների մոտ, սևվելու գոտիներում, հուշանվերների կրպակներում և մուտքի կետերում:
- Ձեռքի ախտահանիչները, որտեղ հնարավոր է, հասանելի դարձրեք հաճախորդներին և այցելուներին, որպեսզի օգտվեն դրանցից, երբ գործ են ունենում առարկաների հետ, որոնք շփվում են ընդհանուր մակերեսների հետ: Խրախուսեք հաճախորդներին հաճախակի ձեռքերը լվանալ և /կամ օգտագործել ձեռքի ախտահանիչներ՝ սարքավորումներ և իրեր օգտագործելու ընթացքում: Հիշեցրեք հանրությանը (նշաններով և/կամ խոսքով), որ ձեռք չտան իրենց աչքերին, քթին և բերանին:
- Հորդորեք հաճախորդներին և այցելուներին, որ հնարավորության դեպքում փաթեթներից հանեն այն ամենը, ինչը փաթեթավորել էին, որպեսզի կեմպինգներում, զբոսայգիներում, ճեմուղիների սկզբնամասերում և այլ վայրերում նվազեցվի աղբի քանակը, որը աշխատակիցները պետք է թափեն:
- Ջուր վերցնելու, ավտոֆուրգոնները դատարկելու և պրոպան գազով լիցքավորման կայանները պետք ամեն օր մաքրվեն և ախտահանվեն, իսկ աշխատակիցները պետք է ամեն օգտագործումից հետո սրբեն սարքավորումները: Հնարավորության դեպքում, այդ օբյեկտների մոտ այցելուների և աշխատակիցների օգտագործման համար տեղադրեք ձեռքի ախտահանիչներ:
- Աշխատակիցները, հնարավորինս առավել չափով, պետք է խուսափեն գործիքների, հեռախոսների և օֆիսային պարագաների համատեղ օգտագործումից, և հնարավորության դեպքում, ապահովեք, որ աշխատակիցներին հատկացվի անհատական օգտագործման աշխատանքային տարածք: Երբեք մի համօգտագործեք անհատական պաշտպանիչ սարքավորումները (PPE):
- Դադարեցրեք աուդիոականջակալների, գործիքների և այլ սարքավորումների համատեղ օգտագործումը աշխատողների միջև, քանի դեռ սարքավորումն օգտագործումից հետո պատշաճ կերպով չի ախտահանվել: Խորհրդակցեք սարքավորումներ արտադրողների հետ՝ պարզելու համար ախտահանման համապատասխան քայլերը, հատկապես՝ փափուկ, ծակոտկեն մակերեսների դեպքում, ինչպիսիք փափուկ ականջակալներն են: Մտածեք ականջակալների համար մեկանգամյա օգտագործման ծածկեր տրամադրելու մասին, երբ հնարավոր է:
- Ախտահանիչ քիմիական միջոցներ ընտրելիս օգտագործեք այն ապրանքները, որոնք COVID-19-ի դեմ [օգտագործման համար արտոնված են Շրջակա միջավայրի պաշտպանության գործակալության \(EPA\) կողմից](#)

[հաստատված գանկից](#), և հետևեք ապրանքի ցուցումներին: Օգտագործեք նորահայտ վիրուսային պաթոգենների դեմ որպես արդյունավետ միջոց՝ պիտակավորված ախտահանիչներ, տնային տնտեսությունում օգտագործվող սպիտակեցնող լուծույթներ (5 ճաշի գդալ՝ ջրի մեկ գալոնին) կամ առնվազն 70%-անոց սպիրտային լուծույթ, որը հարմար է մակերևույթի վրա օգտագործման համար: Աշխատակիցների համար ուսուցում ապահովեք քիմիական վտանգների, արտադրողի ցուցումների, անհրաժեշտ օդափոխության և անվտանգ օգտագործման Cal/OSHA պահանջների վերաբերյալ: Մաքրման կամ ախտահանման միջոցներ օգտագործող աշխատողները պետք է կրեն ձեռնոցներ և այլ պաշտպանիչ հագուստ, ինչպես պահանջվում է արտադրանքի համար: Հետևեք Կալիֆոռնիայի Հանրային առողջապահության դեպարտամենտի կողմից խորհուրդ տրվող՝ [ասթմայի համար անվտանգ մաքրման մեթոդներին](#) և պատշաճ օդափոխությունն ապահովեք:

- Հետևեք [CDC ուղեցույցներին](#)՝ համոզվելու համար, որ ջրային բոլոր համակարգերը անվտանգ է օգտագործել երկարատև ժամանակ փակ լինելուց հետո՝ նվազեցնելու [Լեգեոնելների հիվանդության](#) և ջրի հետ կապված այլ հիվանդությունների ռիսկերը:
- Աշխատողներին ժամանակ տրամադրեք՝ իրենց հերթափոխի ընթացքում իրականացնելու մաքրման գործողություններ: Պետք է աշխատանքի ժամանակ տրվեն մաքրման հանձնարարականներ՝ որպես աշխատողի աշխատանքային պարտականությունների մաս: Դիտարկեք երրորդ կողմից մաքրման ծառայություններ ստանալու հարցը, երբ որ հարմար է և հնարավոր:
- Որտեղ հնարավոր է, մի մաքրեք հատակներն ավելիով կամ այլ մեթոդներով, որոնք կարող են օդում տարածել ախտածին միկրոօրգանիզմները, եթե տվյալ տարածքում ոչ բոլորն ունեն անհատական պաշտպանության համապատասխան սարքավորումներ: Հնարավորության դեպքում, օգտագործեք HEPA ֆիլտրով փոշեկուլ:
- Այցելուների մնալու ամեն օրվանից հետո, կեմպինգների և զբոսայգիների տարածքներում հարմարությունները պետք է պատշաճ կերպով սրբվեն, մաքրվեն և ախտահանվեն: Սա ներառում է՝ խորովածի գրիլերը, աթոռները, բոլոր հավելյալ նստատեղերը (օր.՝ ճոճանակները կամ նստարանները), ջրի ծորակները և ավտոֆուրգոնների էլեկտրական ու ջրային միացումները:



Ֆիզիկական հեռավորության պահպանման ուղեցույցներ

- **ԶԳՈՒՇԱՑՈՒՄ.** Ֆիզիկական հեռավորությունն ինքնին բավարար չէ կանխելու COVID-19-ի տարածումը, և վեց ոտնաչափից ավել ֆիզիկական հեռավորություն խորհուրդ է տրվում մեծ էներգիա պահանջող գործունեության համար:
- Միջոցներ ձեռնարկեք առնվազն վեց ոտնաչափ հեռավորություն ապահովելու համար աշխատողների, այցելուների և տարբեր ընտանիքների անդամների միջև: Դա կարող է ներառել աշխատողների և այցելուների միջև օրգանական ապակուց պատնեշներ տեղադրելը խանութներում, նախասրահներում, ընդունարաններում կամ այցելուների կենտրոններում, կամ տեսանելի ցուցանակների կիրառումը, որոնք այցելուներին կուղղորդեն, թե որտեղ մնալ կամ հերթ կանգնել: Ըստ անհրաժեշտության, տեսողական և/կամ ձայնային ուղեցույցների օգնությամբ այցելուներին և հաճախորդներին նաև պետք է ուղղորդել, երբ հերթ են կանգնած ջուր լցնելու, ավտոֆուրգոնների դատարկման, պրոպան գազ լցնելու կայաններում և նման այլ ծառայությունների մատուցման վայրերում:
- Որտեղ որ հնարավոր է, ներդրեք աշխատանքային հերթափոխերը շախմատային կարգով, աշխատեք նշանակված թիմերով, աշխատանքի գալու և գնալու ժամերը փոփոխեք և ընդմիջումները կազմակերպեք շախմատային կարգով՝ համաձայն աշխատավարձի և աշխատանքային ժամերի կանոնների, որպեսզի խուսափեք աշխատակիցների շփումներից և կուտակումներից:
- Խուսափեք ձեռքով բարևելուց, բռնկեցնելու կամ արմունկներով իրար դիպչելուց և այլ ֆիզիկական կոնտակտներից:
- Մտածեք այն մասին, որ իրենց պարտականությունների փոփոխություններ խնդրող աշխատակիցներին առաջարկեք տարբերակներ, որ նվազեցվի նրանց շփումը այցելուների, հաճախորդների և այլ աշխատակիցների հետ (օր.՝ սարքավորումների կառավարում՝ տոմս վաճառելու փոխարեն, կամ վարչական կարիքների կառավարում հեռավար կերպով):
- Օպերատորները պետք է վերահսկեն այն տարածքները, որտեղ ավելի շատ մարդ կարող է հավաքվել, և ապահովեն, որ հետևեն ֆիզիկական հեռավորության պահպանման այլ ուղեցույցների: Այդ տարածքները կարող են ներառել սպորտային դաշտերը, սահաիրապարակները, բասկետբոլի հրապարակները, թենիսի կորտերը, ճեմուղիները, օրվա ընթացքում հաճախ օգտագործվող տարածքները և պիկնիկի տարածքները: Ֆիզիկական հեռավորություն պահպանելու պահանջներ կրող նշաններ տեղադրեք, և խմբերին արգելեք տեղական վարչաշրջանի կողմից խորհուրդ տրվածից ավելի մեծ թվով մարդկանցով հավաքվել:
- Այն օբյեկտներում, որտեղ առաջարկվում են վճարովի, վերահսկվող բացօթյա միջոցառումներ, օպերատորները պետք է ամրագրման համակարգ կիրառեն՝ հաստատությունում այցելուների քանակը սահմանափակելու համար:
- Ըստ հնարավորության, դիտարկեք կեմպինգներ և ավտոֆուրգոնների կայանատեղի նոր ժամանողների հեռավար գրանցելու հնարավորությունը:

Այգու մուտքի մոտ տեղադրեք կշաններ, որպեսզի այցելուներին հայտնեն, թե ժամանելուն պես ինչ պետք է անեն: Օրինակ, կշեք հեռախոսահամարը, որով այցելուները կարող են կապվել՝ գրանցման գոտի մտնելու փոխարեն: Խրախուսեք առցանց վճարումների օգտագործումը, տեղում վճարման տերմինալները, կրեդիտ քարտերով վճարումները կամ հեռախոսով վճարումները, երբ դա հնարավոր է:

- Եթե հեռավար գրանցումը հարմար չէ, այցելուներին գրանցեք դրսում, եթե հնարավոր է, և ստացականները ուղարկեք Էլ.փոստով: Երբ անհրաժեշտ է, ժամանման պահից այցելուներին ուղեկցեք կամ ուղղորդեք դեպի հենց իրենց օբյեկտը՝ հետևելով ֆիզիկական հեռավորության պահպանման պահանջներին: Միայն մեկ ընտանիքի անդամներ կարող են զբաղեցնել ամեն մի կեմպինգը կամ վարձակալված միավորը, և չգրանցված այցելուներին թույլ չի տրվի մուտք գործել կեմպինգ կամ ավտոֆուրգոնների կայանատեղի:
- Մտածեք այցելուների համար այնպիսի գործընթաց ներդնելու մասին, որ նրանք նախապես ապրանքներ գնեն հանրախանութներից՝ ներառյալ վառելիքայտը, սննդամթերքը և այլ ապրանքներ, և որ աշխատակիցները դրանք առաքեն կեմպինգ կամ ավտոֆուրգոնների կայանատեղի:
- Ժողովների և խմբային միջոցառումների համար բացօթյա տարածքները՝ ներառյալ պավիլիոնները, համայնքային խարույկ վառելու տեղերը, ընդհանուր օգտագործման կեմպինգի խոհանոցները և ամֆիթատրոնները, պետք է մնան փակ: Հեռացրեք, իրարից բաժանեք, փակցրեք փակ լինելու ցուցանակներ, ժապավեններով կապեք բոլոր նստարանները, ընդհանուր օգտագործման տարածքներում պիկնիկի սեղանները և բազմաթիվ մարդկանց համար տեղերը (ներառյալ խարույկի փոսերի շուրջ եղած նստատեղերը), որպեսզի այցելուներին հեռու պահեք կուտակումներից:
- Ավելի փոքր պիկնիկների համար ծածկված տեղերը, օրինակ՝ նրանք, որոնք սովորաբար տեղավորում են մարդկանց նույն տնից, կարող են բաց մնալ, որոնց վրա ամրացված կլինեն ֆիզիկական հեռավորություն պահպանելուն վերաբերող սահմանափակումները (օր.՝ միաժամանակ օգտագործումը սամանափակվում է մեկ ընտանիքի անդամներով):
- Վերանայեք կեմպինգի և ավտոֆուրգոնների կայանման տեղերը, որպեսզի որոշեք, թե արդյոք այգուն անհրաժեշտ է աշխատել ֆիզիկական հեռավորությունը պահելու պատճառով նվազած տարողունակության պայմաններում:
- Աշխատակիցների հետ ցանկացած հանդիպում անցկացրեք այնպես, որ պահպանվի ֆիզիկական հեռավորությունը, և կազմակերպեք փոքր անհատական հանդիպումներ հաստատություններում՝ հետևելու ֆիզիկական հեռավորության ուղեցույցներին: Հնարավորության դեպքում աշխատակիցների հետ հանդիպումներն անցկացրեք հեռախոսով կամ վեբինարի միջոցով, կամ դրսում, եթե հնարավոր է: Ըստ հնարավորության՝ դիտարկեք վիրտուալ հարցազրույց անցկացնելու և նոր աշխատակիցներ ներգրավելու հարցը:



Հավելյալ դիտարկումներ դահուկային սպորտի օպերատորների համար

- Դահուկային սպորտի օպերատորները պետք է սահմանափակեն տարողունակությունը և բազային տարածքների և հանգստի բոլոր այլ բացօթյա տարածքների հասանելիությունը, ինչին կարելի է հասնել հետևյալ միջոցների կիրառմամբ՝
 - Բոլոր հաճախորդներից պահանջել, որ ունենան գործող, նախապես գնված ամբարձիչի տոմս, սեզոնային արձեմենտ, կամ նախնական ամրագրում, որ մուտք ունենան բազային տարածքներ և օգտվեն դահուկորդների ամբարձիչից կամ գոնդոլայից:
 - Տոմսերի վաճառքը դադարեցնելու օր:
 - Կայանման քաղաքականության հարմարեցումը՝ կարգավորելով կայանում միայն ամբարձիչի տոմս ունեցողների համար:
 - Պահանջել, որ կայանատեղիի արձեմենտը գնվի ամբարձիչի արձեմենտի հետ մեկտեղ, և սահմանափակել կայանման տեղերը, որպեսզի հետ պահեն հանրությանը օբյեկտից օգտվելուց:
- Դիտարկեք կայանման քաղաքականության հարմարեցումը՝ կարգավորելով կայանում միայն ամբարձիչի տոմս ունեցողների համար, և պահանջեք, որ կայանման արձեմենտի հետ լինի նաև սեզոնային արձեմենտ կամ ամբարձիչի տոմս: Սահմանափակեք կայանատեղիի տարողունակությունը, որպեսզի արգելեք օբյեկտների համատեղ օգտագործումն այն մարդկանց կողմից, ովքեր սեզոնային արձեմենտներ կամ ամբարձիչի տոմսեր չունեն:
- Միջոցներ ձեռնարկեք ապահովելու համար մշտապես առկա լինելու հոսնաչափ ֆիզիկական հեռավորություն տարբեր ընտանիքներից մարդկանց միջև, օրինակ՝ երբ հյուրերը հերթում սպասում են կամ մաքրքով երթևեկում են: Դա կարող է ներառել ֆիզիկական բաժանարարների կամ տեսանելի կողմնորոշիչների օգտագործումը (օր.՝ հատակին/գետնին արված նշումներ կամ նշաններ, որոնք ցույց կտան, թե որտեղ աշխատողները և հաճախորդները պետք է կանգնեն:
- Բոլոր հերթերը դահուկային սպորտի օբյեկտներում պետք է կազմվեն միայն բացօթյա տեղերում: Նվազագույնի հասցրեք գոնդոլայով կամ տրամվայով երթևեկելու հերթերը փակ տարածքներում: Մշակեք բացօթյա հերթի համակարգ՝ նախքան փակ տարածքում աշխատելը: Փակեք հետդարձի/հերթի շարքերը, որպեսզի հնարավոր լինի հաճախորդների և այցելուների միջև բավարար ֆիզիկական հեռավորություն ապահովել:
- Նստարանների ամբարձիչների կիրառումը պետք է սահմանափակվի մեկ ընտանիքի սահմաններում, բացառություններ հնարավոր են տարբեր ընտանիքների անդամների համար, երբ ուղևորությունը 15 րոպեից պակաս է տևում և տարբեր ընտանիքների անդամները նստած են հնարավորինս հեռու, բայց մեկ նստատեղից ոչ պակաս հեռավորության վրա:
- Փակ տրանսպորտային միջոցների (օրինակ՝ գոնդոլաները կամ ճոպանուղիները) դեպքում պետք է սահմանափակվի դրանց

տարողունակությունը առանձին ընտանիքներով 10 կամ պակաս ուղևորի հաշվով տրանսպորտային միջոցների համար: 10 ուղևորից ավել տարողունակությամբ տրանսպորտային միջոցների դեպքում տարողունակությունը պետք է սահմանափակվի մինչև 25% այն պայմանով, որ բաց կլինեն պատուհանները, նույնիսկ վատ եղանակային պայմաններում, իսկ նստատեղերն այնպես պետք է տեղադրված լինեն, որ հնարավոր լինի ապահովել տարբեր ընտանիքների անդամների միջև վեց ոտնաչափ ֆիզիկական հեռավորությունը: Նույն ընտանիքի անդամներից չի պահանջվում նստել միմյանցից վեց ոտնաչափ հեռավորության վրա:

- Անհրաժեշտության դեպքում, կարգավորեք նստարանների ամբարձիչների և գոնդոլաների տեղավորման սխեմաները՝ համապատասխանելու համար ֆիզիկական հեռավորության պահանջներին: Օրինակները կարող են ներառել մեկ տրանսպորտային միջոցի մեջ կամ մեկ շարքում մեկ ու մեջ նստելը, նստատեղերի քանակի սահմանափակումը, որպեսզի հնարավոր լինի տարածություն ապահովել ընտանեկան խմբերի միջև, և այլն: Օգնելու համար հաճախորդներին հասկանալ, թե որտեղ պետք է նստել, ցուցանակներ ներառեք:
- Որպես ընդհանուր կանոն՝ աշխատողները պետք է խուսափեն հաճախորդներին աջակցելուց/բարձրացնելուց: Եթե հաճախորդին աջակցություն է անհրաժեշտ, ընտանիքի այլ անդամի խնդրեք օգնել նրան: (Աշխատողներից, միևնույն է, պահանջվում է ֆիզիկական աջակցություն/բարձրացնել հյուրին Էվակուացիայի ժամանակ):
- Դահուկային սպորտի շահագործողները պետք է խուսափեն մարդկանց խմբերով հավաքվելը խթանող միջոցառումներից և պետք է տեղյակ լինեն պատանեկան և չափահասների սպորտին վերաբերող պետական և տեղական քաղաքականությունների մասին, ինչպես նաև հավաքվելու վերաբերյալ պահանջներին՝ կապված դահուկավազքի դասերի, պարապմունքների և խմբային վարժանքների վերաբերյալ որոշումների կայացնելու և այլնի հետ:
- Հորդորեք հաճախորդներին, որ գնումներ կատարեն առցանց (նախքան նրանց այցը) կամ հավելվածների միջոցով, երբ գտնվում են դահուկավազքի հաստատությունում՝ նվազեցնելու համար հերթերը և վճարային փոխանցումները տեղում: Երբ հնարավոր է, խուսափեք թղթե տոմսերից, ինչը պահանջում է, որ աշխատակիցները ձեռք տան դրանց սկանավորման համար:
- Չնայած, թե ինչպես են տեղադրված պահարանները, որոնցում հաճախորդները պահում են անձնական իրերը՝ համոզվելու համար, որ այդ տարածքները կանոնավոր կերպով մաքրվում են և ախտահանվում և պատշաճ կերպով են տեղադրված, ինչը ապահովում է ֆիզիկական հեռավորությունը: Դիտարկեք որոշ սեկցիաների փակումը կամ տեղաշարժը, ապահովելու համար համապատասխան ֆիզիկական հեռավորությունը պիկ ժամերին: Տեղադրեք նշաններ, որոնք հաճախորդներին կհիշեցնեն առնվազն վեց ոտնաչափ ֆիզիկական հեռավորության պահպանման անհրաժեշտության մասին և որ պահարանին մոտենալուց առաջ սպասեն մինչև ուրիշներն ազատեն տարածքը: Դիտարկեք հանդերձարաններում աշխատակից տեղավորելու հնարավորությունը՝ միաժամանակ նույն տարածքում մարդկանց քանակը սահմանափակելու համար: Մաքրեք և ախտահանեք պահարանները ամեն օգտագործումից հետո կամ պայուսակներ տրամադրեք, որ հաճախորդները

կարողանան այդ պայուսակների մեջ դնեն իրենց անձնական իրերը՝ նախքան պահարան դնելը:

- Արտակարգ իրավիճակների դեպքերի համար դահուկավազքի հաստատությունների շահագործողները պետք է մտածեն և պլանավորեն ֆիզիկական հեռավորությունը մուտքի/ելքի և հաճախորդների կուտակման վայրերում:
- Մաքրման և ախտահանման պրոտոկոլները կարևոր են նստարանների ամբարձիչներում, գոնդոլաներում, տրամվայներում կամ այլ վայրերում՝ ներառյալ նստեցման կայաններում և հերթ կանգնելու տարածքում շատ շփվող մակերեսների համար: Կանոնավոր կերպով մաքրեք և ախտահանեք հաճախորդների կամ աշխատողների կողմից հաճախակի շփվող մակերեսները՝ ներառյալ տրանսպորտային միջոցների նստատեղերը, բազրիքները, արմկակալները, մեկուսիչները, բռնակները և այլն:
- Մշակեք մաքրման և ախտահանման գործընթացի մոտեցումներ և հաճախականություն՝ համաձայն մաքրող նյութերի ցուցումների և տրանսպորտային միջոցի, ամբարձիչի կամ տրամվայի՝ արտադրողի հրահանգների և ելնելով մաքրման ենթակա մակերեսի տեսակից: Նստարանների ամբարձիչների, գոնդոլաների և այլնի գործարկումից առաջ համոզվեք, որ վիրուսների ոչնչացման և չորանալու ժամանակը հաշվի են առնված: Համոզվեք, որ նստարանների ամբարձիչները կամ գոնդոլաները ամրացված են (ներառյալ անվտանգության արգելակները, ըստ անհրաժեշտության), որպեսզի աշխատողները կարողանան անվտանգ կերպով մուտք ունենալ այն տարածքները, որոնք պետք է մաքրել:



Հավելյալ դիտարկումներ բացօթյա հանգստի այլ ձևերի կազմակերպման վերաբերյալ

- Կազմակերպվող միջոցառումների և սպորտաձևերի մեծ մասը, ինչպիսիք են բասկետբոլը, ֆուտբոլը, բեյսբոլը և ամերիկյան ֆուտբոլը, որոնք անց են կացվում զբոսայգիների դաշտերում, բաց տարածքներում և կորտերում, սահմանափակվում են՝ համաձայն Պատանեկան սպորտի վերաբերյալ ցուցումների: Ծանոթացեք [Պատանեկան սպորտի վերաբերյալ ցուցումներին](#) և տեղական հանրային առողջապահության ոլորտի պաշտոնյաների հետ խորհրդակցեք՝ որոշելու այն աստիճանը, թե որքան մոտ կարող են միմյանցից գտնվել մարզիչները և տարբեր ընտանիքի կամ կեցավայրի անդամ հանդիսացող մարզիկները: Միևնույն ընտանիքի անդամները կարող են միասին ներգրավվել նման միջոցառումների և զբաղվել սպորտով:
- Բարձր կոնտակտայնությամբ և հետևաբար բարձր ռիսկայնությամբ զործունեությունը և սպորտաձևերը, որոնք պահանջում են տարբեր ընտանիքների անդամ հանդիսացող մարզիկների միջև վեց ոտնաչափից պակաս հեռավորության վրա սերտ շփում, պետք է դադարեցվեն՝ մինչև դրանց վերաբերյալ վերսկսման արտոնումը: Դրանք ներառում են խմբային սպորտային միջոցառումները, բասկետբոլը, մարզադահլիճներում անցկացվող սպորտային միջոցառումները, ձիարշավները կամ պարերը: Իմանալու համար, թե էլ ինչ միջոցառումներ են թույլատրված, տե՛ս [Պատանեկան սպորտի վերաբերյալ ուղեցույցը](#):

- Սերտ շփում ենթադրող բացօթյա հանգստի միջոցառումները սահմանափակեք առանձին ընտանիքների շրջանակներում: Դրանք ներառում են նավակների վարձույթը, բասկետբոլը և վոլեյբոլը, ճոպաններով մագլցելը և պատ բարձրանալը: Կեմպինգներում և ավտոֆուրգոններով կայանատեղիներում դիտարկեք ընտանիքների համար բնության գրկում զբոսանքների, կինոերեկոների, մինի-գոլֆի, գեոքեշինգի, իրեր գտնելու խաղի կամ այլ միջոցառումների կազմակերպումն այնպես, որ հնարավոր լինի ֆիզիկական հեռավորության պահպանումը:
- Ըստ անհրաժեշտության՝ փոփոխեք ռեկրեացիոն միջոցառումները բաց օդում, որպեսզի տարբեր ընտանիքներ օգտագործեն օբյեկտները կամ սարքավորումները՝ պահպանելով ֆիզիկական հեռավորությունը: Նման փոփոխությունները յուրահատուկ կլինեն ամեն մի գործունեության համար և կախված կլինեն օբյեկտի տարողունակությունից, բայց որոշ օրինակներ ներառում են հետևյալը՝
 - Մեծացրեք գոլֆի դաշտերում խաղի տևողությունը և պահանջեք, որ գոլֆի ամեն սայլակը սպասարկի մեկ ընտանիքի:
 - Սահմանափակեք գիդի ուղեկցությամբ ձկնորսական, որսի կամ նավով չարտերային զբոսանքների խմբերի չափը, կամ ձևափոխեք նավերի կամ այլ տրանսպորտային միջոցների նստատեղերը:
 - Մուտքի ժամերի գրաֆիկ սահմանեք՝ կրճատելու համար ձիանոցում կամ ախոռում գտնվող մարդկանց թիվը, եթե, պահանջարկից ելնելով՝ ֆիզիկական հեռավորության պահպանման խնդիր կա, և հետևաբար հերթագրում է պահանջվում:
- Ըստ անհրաժեշտության՝ փոփոխեք ռեկրեացիոն միջոցառումները, որպեսզի ապահովվի պատշաճ մաքրման և ախտահանման պրոտոկոլների (շեշտը դնելով համօգտագործվող սարքավորումների և հաճախ հպվող մակերեսների հետ գործ ունենալուց առաջ և հետո՝ ձեռքերի լավ հիգիենայի վրա) կիրարկումը: Այդպիսի միջոցառումները հատկորոշական կլինեն գործունեության տեսակին և օբյեկտի տարողունակությանը, բայց որոշ օրինակներ ներառում են հետևյալը՝
 - Խրախուսեք այցելուներին, որ հնարավորության դեպքում իրենց հետ բերեն իրենց ողջ հանդերձանքը, որպեսզի նվազեցնեն սարքավորումների համատեղ օգտագործումը:
 - Առանձին կեմպինգները պետք է զբաղեցվեն մեկ ընտանիքի կողմից:
 - Ձիանոցներում կանոնավոր կերպով կամ անձնակազմի հետ շփումից հետո մաքրեք և ախտահանեք դարպասների փականները, ցողացրիչները, տախտակների ամրակները, եռաժանիները, սայլակները և հաճախ օգտագործվող առարկաները:
 - Վարձով ձկնորսության և փոքր խմբերով չարտերային ուղևորությունների ժամանակ պետք է ապահովել, որ տրանսպորտային միջոցում հաճախորդներին հասանելի լինեն ձեռքերը լվանալու կետերը և պատշաճ ձեռքի ախտահանիչները:
 - Մաքրեք և ախտահանեք նետերը նետաձգարաններում օգտագործելուց առաջ և հետո:

- Մարդկանց սաղավարտներ, սարքավորումներ, պաշտպանիչ հանդերձանք, փրկարարական կիսաբաճկոններ կամ այլ պարագաներ տրամադրելիս աշխատակիցները պետք է պահպանեն ֆիզիկական հեռավորությունը: Որտեղ, որ հնարավոր է, աշխատակիցները պետք է ցույց տան, թե ինչպես ճիշտ հագնել և հանել հանդերձանքը, այլ ոչ թե օգնելու համար խախտեն ֆիզիկական հեռավորությունը:



Հավելյալ դիտարկումներ հանրային զուգարանների և լողասենյակների համար

- Կեմպինգները, ավտոֆուրգոնների կայանատեղիները, դահուկային սպորտի օպերատորները և բացօթյա հանգստի օպերատորները պետք է հաշվի առնեն անձնակազմի, այլ հնարավորությունների և ռեսուրսների պահանջները՝ ապահովելու համար, որ համատեղ օգտագործման հանրային զուգարանները օրվա ընթացքում մաքրվեն և ախտահանվեն:
- Համատեղ օգտագործման զուգարանները պետք է կանոնավոր կերպով մաքրվեն՝ օգտագործելով [EPA-ի գրանցված ախտահանիչները](#) ողջ օրվա ընթացքում: Մակերեսները, որոնց հաճախակի են դիպչում, ինչպես, օրինակ՝ ծորակները, զուգարանները, դռների բռնակները և լույսի անջատիչները, պետք է հաճախակի մաքրվեն և ախտահանվեն: Աշխատողներին պետք է սովորեցնեն վտանգավոր նյութերի և նոր արտադրանքի հետ պատշաճ օգտագործմանը՝ համաձայն Cal/OSHA պահանջների, և նրանց պետք է տրամադրվեն պահանջվող պաշտպանիչ սարքավորումներ՝ յուրահատուկ մաքրման նյութերի օգտագործման համար, ինչպիսիք են աչքերի պաշտպանիչ միջոցները և ձեռնոցները:
- Կազմեք և ամեն մի բաց զուգարանում փակցրեք մաքրման ժամանակացույցը: Մաքրման ժամանակացույցն ամրացրեք դռան առջևի մասում, որպեսզի այցելուները իմանան, թե երբ կարող են (չեն կարող) օգտվել զուգարաններից: Անպայման փակեք զուգարանը մաքրման և ախտահանման աշխատանքների ժամանակ:
- Դիտարկեք ստուգողական ցուցակներ կամ աուդիտի համակարգեր օգտագործելու հարցը՝ հետևելու, թե որքան հաճախ են կատարվում մաքրման աշխատանքները:
- Ցնցուղների սենյակից թույլ տվեք օգտվել միայն այն դեպքում, երբ տեղադրված են բաժանարար պատնեշներ կամ ցուցանակներ՝ նշելու համար ֆիզիկական հեռավորության պահանջները: Եթե բաժանարար պատնեշներ տեղադրելը կամ պատշաճ հեռավորություն պահպանելը հնարավոր չէ, այդ օբյեկտները պետք է փակ մնան:
- Ապահովեք, որ սանիտարական հարմարությունները մշտապես աշխատեն և համալրվեն: Անհրաժեշտության դեպքում լրացուցիչ օճառ, թղթե սրբիչներ և ձեռքի ախտահանիչներ հատկացրեք: Եթե հնարավոր է, տեղադրեք անհալում սարքավորումներ՝ ներառյալ շարժում զգացող լվացարաններ, ծորակներ, օճառի դիսպենսերներ, ախտահանիչների դիսպենսերներ և թղթե սրբիչների դիսպենսերներ:

- Մտածեք այն մասին, որ հնարավորության դեպքում, ձևափոխվեն բազմախուց զուգարանների դռները, որպեսզի դրանք հնարավոր լինի բացել և փակել առանց բռնակներին, բացող սարքավորումներին կամ էլեկտրակառավարվող բացիչներին ձեռքով դիպչելու: Եթե դուռը չի կարող բացվել առանց բռնակին կամ դռան բացիչին ձեռքով դիպչելու, դուռը բաց թողեք և/կամ դռան մոտ դրեք աղբամանը, որպեսզի թղթե սրբիչը հեշտությամբ դեն նետել լինի՝ դուռը բացելու կամ փակելու ժամանակ: Թափոնների կոնտեյներներն այնպես պետք է տեղադրվեն, որ չխանգարեն դուրս գալուն, տարհանմանը, արտակարգ իրավիճակների սարքավորումներին կամ ցանկացած ողջամիտ հարմարանքներին, որոնք նախատեսված են Հաշմանդամություն ունեցող ամերիկացիների մասին օրենքով: Համոզվեք, որ աղբամանները կանոնավոր կերպով դատարկվում են:
- Կեմպինգների և ավտոֆուրգոնների կայանատեղիների վարչակազմը պետք է զուգարաններ և ցնցուղներ/լոգարաններ ունեցող ավտոտնակներում բնակվող հյուրերին խրախուսի, որ իրենք համատեղ օգտագործման հարմարությունների փոխարեն օգտվեն իրենց հարմարություններից, եթե դա հնարավոր է:
- Տեղեկատվություն տրամադրեք, թե ինչպես պատշաճ կերպով լվանալ ձեռքերը՝ ներառյալ զուգարաններում փակցված ցուցանակները:



Հավելյալ դիտարկումներ լողավազանների և ակվապարկերի վերաբերյալ

- Լողավազաններ, ջրային ատրակցիոններ, հիդրոմերսոլ լոգարաններ, սաունաներ և շոգեբաղնիքներ ունեցող կեմպինգները, ավտոֆուրգոնների կայանատեղիները, դահուկային սպորտի տարածքները պետք է լրացուցիչ քայլեր ձեռնարկեն՝ այցելուների օգտագործման համար այդ հաստատությունների պատշաճ մաքրումն ու ախտահանումն ապահովելու համար՝ համաձայն [CDC ուղեցույցների](#):
- Բացօթյա հանգստի գոտիներում բաց հիդրոմերսոլ լոգարաններից օգտվելու համար պետք է ապահովվել միևնույն ընտանիքի անդամ չհանդիսացողների կողմից միաժամանակյա օգտագործման ժամանակ առնվազն վեց ոտնաչափ հեռավորության պահպանումը, կամ պետք է սահմանափակվել միաժամանակ օգտվելու մեկ ընտանիքի համար:
 - Զյուրերը պետք է հանեն իրենց դիմակները հիդրոմերսոլ լոգարանում գտնվելու ընթացքում, քանի որ դրանք կարող են խոնավանալ, սակայն հիդրոմերսոլ լոգարանից դուրս գալուց հետո կրկին պետք է կրեն դիմակներ՝ ինչպես հարկն է:
 - Հաստատությունները պետք է օգտագործված սրբիչների հավաքման տարաներ տրամադրեն, ինչպես նաև պետք է կանոնավոր կերպով մաքրեն և ախտահանեն հաճախակի շփվող մակերեսները:
 - Հեռավորության պահպանման և դիմակների կրման պահանջների վերաբերյալ ցուցանակներ փակցրեք:

- Հաստատության աշխատակազմը պետք է հետևի հեռավորության պահպանման պահանջներին, իսկ, եթե հնարավոր չէ հետևողականորեն պահպանել հեռավորությունը, ապա պետք է դադարեցնել հիդրոմետրոլ լոգարանների շահագործումը:
- Անհատական բացօթյա հիդրոմետրոլ լոգարանները վարձույթով տվող հաստատությունների շահագործումը պետք է սահմանափակվի մեկ ընտանիքի կողմից միաժամանակյա օգտագործմամբ:
 - Հյուրերը պետք է հանեն իրենց դիմակները հիդրոմետրոլ լոգարանում գտնվելու ընթացքում, քանի որ դրանք կարող են խոնավանալ, սակայն հիդրոմետրոլ լոգարանից դուրս գալուց հետո կրկին պետք է կրեն դիմակներ՝ ինչպես հարկն է:
 - Դիմակների կրման պահանջների վերաբերյալ ցուցանակներ փակցրեք:
 - Հիդրոմետրոլ լոգարանների կիրառումների միջև շահագործողները պետք է հավաքեն բոլոր օգտագործված սրբիչները՝ լվանալու համար: Ամեն օր մաքրե՛ք և ախտահանե՛ք բոլոր հաճախակի հալող մակերեսները:
- Փակ տարածքներում գտնվող լողավազաններում պետք է կրել դիմակ ջրից դուրս կամ ցնցուղի տարածքից դուրս գտնվելու ընթացքում, եթե չկան բացառություններ՝ ըստ CDPH ուղեցույցի: Կտորե դիմակներով շնչելը կարող է դժվար լինել, եթե դրանք թաց են: Դիմակները չօգտագործելու դեպքում պետք է հանվեն, որպեսզի ուրիշները պատահաբար դրանց չդիպչեն կամ չվերցնեն:
- Բացօթյա լողավազաններում ջրից դուրս պետք է դիմակ կրել, եթե չկան բացառություններ՝ ըստ CDPH ուղեցույցի:
- Պահպանեք ախտահանիչների պատշաճ մակարդակները (1-10 մասնիկ՝ ազատ քլորի մեկ միլիոնին կամ 3-8 մասնիկ՝ բրոմի մեկ միլիոնին) և pH-ը (7.2-8):
- Խորհրդակցեք ակվապարկը նախագծած ընկերության կամ ճարտարագետի հետ՝ որոշելու համար, թե [Ցուցակ N-ի որ ախտահանիչներն են՝ արտոնված EPA-ի](#) կողմից, լավագույնները ակվապարկերի համար: Ապահովեք ախտահանիչների [անվտանգ և ճիշտ օգտագործումը](#) և պահպանումը՝ ներառյալ այդ ապրանքներն երեխաներից ապահով հեռավորության վրա պահելը:
- Կիրարկեք մի համակարգ, որ կահույքը և կահավորումը (օր.՝ շեղլոզները), որոնք պետք է մաքրվեն և ախտահանվեն, առանձին պահվեն այն կահավորումից, որն արդեն իսկ մաքրված և ախտահանված է: Պիտակներ փակցրեք դեռ չմաքրված և չախտահանված պարագաների համար նախատեսված կոնտեյներների վրա և մաքրված և ախտահանված պարագաների կոնտեյներների վրա:
- Հորդորեք այցելուներին, որ իրենց հետ բերեն իրենց սեփական սրբիչները: Եթե սրբիչները տրամադրվում են, ապա դրանք և հագուստը լվացեք արտադրողի ցուցումների համաձայն: Օգտագործեք ամենատաք թույլատրելի ջերմաստիճանի ջուր և պարագաներն ամբողջովին չորացրեք: Սրբիչների հետ վարվեք մեկանգամյա ձեռնոցներով և նվազագույն անհարմարությամբ, օր.՝ դրանք մի թափահարեք:

- Մի թույլ տվեք մարդկանց իրեր փոխանակել, հատկապես՝ նրանք, որոնք դժվար է մաքրել և ախտահանել, կամ նրանք, որոնք կարող են դիպչել դեմքին (օր.՝ ակնոցները, քթի սեղմակները և ջրային շնչախողովակները):
- Համոզվեք, որ օբյեկտում հաճախորդների համար կան համապատասխան պարագաներ, ինչպես, օրինակ՝ լողի տախտակներ, ակվաձողիկներ և լողալու այլ միջոցներ, որպեսզի, հնարավորության դեպքում՝ նվազագույնի հասցվի համատեղ օգտագործումը: Սահմանափակեք պարագաների օգտագործումը միաժամանակ մեկ հաճախորդով և մաքրեք ու ախտահանեք դրանք ամեն օգտագործումից հետո:
- Փակ ակվապարկերում առավելագույնս ապահովեք դրսի օդի ներհոսքը և շրջապատույթը՝ բացելով պատուհանները, օգտագործելով օդափոխիչներ և այլ մեթոդներ: Սակայն մի բացեք պատուհանները և դռները, եթե դա անելը անվտանգության առումով ռիսկ է ներկայացնում աշխատակիցների, այցելուների և լողորդների համար:
- Փոխեք տախտակամածի կառուցվածքը և լողավազանը շրջապատող տարածքները՝ ապահովելու համար, որ կանգնելու և նստելու տեղերը կարող են համապատասխանել ֆիզիկական հեռավորության պահպանման պահանջներին: Դա կարող է ներառել շեզլոնգների հեռացումը կամ տարածքի արգելափակումը ժապավեններով, որպեսզի թույլ չտրվի օգտագործումը:
- Ապահովեք ֆիզիկական ուղենիշեր (օրինակ՝ լողուղիների գծանշումը ջրում կամ աթոռներն ու սեղանները տախտակամածի վրա), տեսողական ուղենիշներ (օրինակ՝ ժապավեններ տախտակամածի, հատակի կամ մայթերի վրա) և նշաններ, որպեսզի երաշխավորվի, որ աշխատակիցները, այցելուները և լողորդները կմնան իրարից առնվազն վեց ոտնաչափ հեռավորության վրա՝ և ջրում, և դրանից դուրս:
- Ըստ հնարավորության՝ տեղադրեք անանցելի ֆիզիկական պատնեշներ, ինչպես, օրինակ՝ օրգանական ապակուց, որտեղ աշխատողներն ու հաճախորդները պետք է փոխհարաբերվեն, իսկ ֆիզիկական հեռավորության պահպանումը դժվար է:
- Դիտարկեք լողավազանից օգտվելու համար նախապես ամրագրման իրականացումը կամ ֆիզիկական հեռավորության պահպանմանն աջակցող այլ մեխանիզմների իրականացումը: Դա կարող է ներառել անհատական լողուղիների ամրագրումը, լողուղիների միջև հեռավորության պահպանումը, և կիսալողուղիների հատկացումը անհատական ընտանեկան օգտագործման համար:
- Համոզվեք, որ փրկարարներից, որոնք ակտիվ ներգրավված են փրկարարական աշխատանքներում, չի պահանջվում վերահսկել ձեռքեր լվանալը, դիմակների օգտագործումը կամ ֆիզիկական հեռավորության պահպանումը: Վերահսկման պարտականությունները դրեք այլ աշխատողի վրա:
- Ակվապարկերում պետք է խուսափել այն միջոցառումներից, որտեղ խրախուսվում են խմբային հավաքները, և պետք է ծանոթ լինել պատանիների և չափահասների սպորտի վերաբերյալ նահանգային և տեղական կանոններին, ինչպես նաև հավաքների նկատմամբ պահանջներին, որպեսզի պարզվի, թե արդյոք կարելի է անցկացնել ջրային ֆիթնեսի դասեր, լողի դասեր, լողի թիմերի մարզումներ, լողի մրցումներ կամ լողավազանի մոտ երեկույթներ:

- CDC-ի [Զրային առողջության տիպային օրենսգրքում](#) ավելի շատ խորհուրդներ են տրվում՝ հանրային լողավազաններում հիվանդությունները և վնասվածքները կանխելու համար:



Հավելյալ դիտարկումներ տաղավարների և վարձով տրվող նման տարածքների վերաբերյալ

- Ուղեցույցը հյուրանոցների և հյուրանոցային բիզնեսի վերաբերյալ՝ ներառյալ վարչական շրջանում վարակի մակարդակից ելնելով պահանջվող փոփոխությունները, հասանելի են [Ավելի անվտանգ արդյունաբերության նախագծի](#) վեբկայքում:
- Կեմպինգի գոտիները, ավտոֆուրգոնների կայանատեղիները, դահուկային սպորտի տարածքների և տաղավարներ կամ այլ տարածքներ վարձակալությամբ տվող բացօթյա հանգստի այլ գոտիների շահագործողները պետք է ձեռնարկեն պատշաճ քայլեր՝ մաքրելու և ախտահանելու այդ տարածքները յուրաքանչյուր օգտագործումից հետո: Դա ներառում է մահճակալների բռնակների, սեղանների, սեղանածածկերի, հեռուստացույցի հեռակառավարման վահանակների, մահճակալների գլխամասերի, խոհանոցային պարագաների, սառնարանների բռնակների, սալօջախների, հայելիների և այլ իրերի սրբումն ու մաքրումը:
- Յուրաքանչյուր այցելուից հետո ողջ սպիտակեղենը՝ ներառյալ այն պարագաները, որոնք միգուցե չեն օգտագործվել, պետք է հանվեն և լվացվեն: Անկողնային պարագաները, սրբիչները կամ վարձով տրվող տարածքում լվացված պարագաները մաքրելիս ապահովեք, որ աշխատողներն օգտագործեն մեկանգամյա օգտագործման ձեռնոցներ, երբ գործ են ունենում կեղտոտ լվացքի հետ, և յուրաքանչյուր օգտագործումից հետո թափեն դրանք: Ձեռնոցները հանելուն պես՝ անմիջապես լվացեք ձեռքերն օճառով կամ ձեռքի ախտահանիչներ օգտագործեք: Վարձով տրվող սենյակներում լրացուցիչ սպիտակեղեն մի պահեք: Նման պարագաները տրամադրեք ըստ պահանջի:
- Մի՛ թափահարեք կեղտոտ լվացքը: Դա կնվազեցնի օդում վիրուսի տարածման հնարավորությունը: Ըստ անհրաժեշտության, իրերը պետք է լվանալ՝ համաձայն արտադրողի ցուցումների: Եթե հնարավոր է, իրերը լվացեք այդ իրերի համար նախատեսված ամենատաք ջրով և ամբողջովին չորացրեք դրանք: Մաքրեք և ախտահանեք լվացքի զամբյուղները՝ համաձայն վերը բերված մակերեսների համար ուղեցույցների: Եթե հնարավոր է, դիտարկեք յուրաքանչյուր կիրառումից հետո դեն նետվող ներդիր պարկերի կիրառման հնարավորությունը, որի շնորհիվ հնարավոր կլինի տարբերակել մեկանգամյա օգտագործման կամ լվացվող պարագաները:
- Յուրաքանչյուր այցելուից հետո խոհանոցային պարագաները՝ ներառյալ կաթսաները, թավաները և սպասքը, պետք է մանրակրկիտ մաքրվեն օճառով և տաք ջրով, նախընտրելի է՝ սպասք լվացող մեքենայի մեջ: Յուրաքանչյուր այցելուի ժամանման պահին սպասքի լվացման համար նախատեսված համապատասխան օճառ և նոր, չօգտագործված սպունգեր տրամադրեք: Եթե

հնարավոր է, դիտարկեք սպասքը մեկանգամյա սպասքով փոխարինելու հնարավորությունը:

- Դիտարկեք այցելուի մեկնումից հետո 24-ժամյա սպասման շրջանի հնարավորությունը՝ նախքան որևէ տարածքի մաքրումը՝ ներառյալ վարձով տրվող սենյակները:
- Մեծ հավաքույթների՝ ներառյալ կոնֆերանսների և ժողովների համար նախատեսված ցանկացած վարձով տրվող սրահ, չպետք է վերաբացվի՝ մինչև հնարավոր չլինի դրանց շահագործումը:



Հավելյալ դիտարկումներ սնվելու և ճաշելու վերաբերյալ

- Ուղեցույցը ռեստորանների վերաբերյալ՝ ներառյալ վարչական շրջանում վարակի մակարդակից ելնելով պահանջվող փոփոխությունները, հասանելի են [Ավելի անվտանգ արդյունաբերության նախագծի](#) վեբկայքում:
- Ռեստորանները, բարերը, խորտկարանները և հանրային սննդի այլ հաստատությունները պետք է աշխատեն նման հաստատությունների համար առկա հրամանների և ուղեցույցների համաձայն, որոնք բերված են [Ավելի անվտանգ արդյունաբերության նախագծի](#) վեբկայքում: Սննդի ինքնասպասարկման կետերը՝ ներառյալ սուրճ պատրաստող մեքենաները, գազավորված ըմպելիքների կայանները կամ տոստերները, պետք է փակ մնան:
- Որտեղ հնարավոր է, հաճախորդները և այցելուները պետք է սնունդ պատվիրեն առցանց կամ հեռախոսով, իսկ սնունդը պետք է հասանելի լինի տանելու համար: Նախապես պատվիրված ապրանքներն ստանալու համար անհրաժեշտ է, որ խորտկարանները կամ կոնցեսիոն ծառայությունները հասանելի լինեն: Եթե հնարավոր չէ նախապես պատվեր կատարելը, ապահովեք, որ սնունդ պատվիրելիս այցելուները ֆիզիկական հեռավորություն պահպանեն:
- Եթե հնարավոր է, խորտկարանները և կոնցեսիոն ծառայությունները պետք է վաճառեն նախապես փաթեթավորված և առանձին փաթեթված սնունդ: Սեղանի մետաղյա կամ պլաստիկ սպասքը առանձին-առանձին փաթեթեք անձեռնոցիկներով, որպեսզի մարդիկ դրանք չվերցնեն սպասք պարունակող զամբյուղներից կամ տուփերից:
- Եթե հնարավոր է, սննդի համար խրախուսեք կրեդիտային քարտերի կիրառումը կամ վճարումներն ընդունեք հեռախոսի միջոցով:
- Բացօթյա հանգստի կազմակերպիչները չպետք է սննդով և խմիչքով ճաշկերույթ կամ նմանատիպ այլ ընտանեկան միջոցառումներ անցկացնեն, քանի որ դրանք ավելացնում են փոխադարձ վարակման ռիսկերը: Եթե սնունդը և ըմպելիքները պետք է մատուցվեն կամ համատեղ օգտագործվեն, դրանք մատուցեք առանձին, մեկանգամյա օգտագործման կոնտեյներներով, երբ հնարավոր է: Սնունդ մատուցող աշխատողները և կամավորները պետք է հաճախակի լվանան ձեռքերը և մեկանգամյա օգտագործման ձեռնոցներ կրեն:



Հավելյալ դիտարկումներ կեմպինգներում և ավտոֆուրգոնների կայանատեղիներում լվացքատների վերաբերյալ

- Եթե անհրաժեշտ լինի, փոփոխեք լվացքատների աշխատանքի ժամերը՝ ապահովելու, որ աշխատողները համապատասխան ժամանակ ունենան մաքրելու և ախտահանելու լվացքի մեքենաների դռներն ու ծածկերը, մանրաթելի ցանցերը, սեղանածածկերը, սեղանները և նստարանները, օճառի դիսպենսերները, վաճառքի ավտոմատ մեքենաները, դրամի փոխանակման մեքենաները, լվացարանները և այլ տարածքները:
- Դիտարկեք լվացքատներում ձեռքի ախտահանիչների և ախտահանիչ անձեռնոցիկների տեղադրման հնարավորությունը, որպեսզի այցելուները կարողանան սրբել տարածքը մեքենաների կիրառումից առաջ/հետո:
- Լվացքատներից հեռացրեք բոլոր խաղերը, գրքերը, գրքույկները կամ այլ նմանատիպ պարագաները: Հեռացրեք սպիտակեղենի զամբյուղները կամ աղբամանները, եթե կան այդպիսիք:
- Դիտարկեք լվացքատներում հերթագրման համակարգի հնարավորությունը, որպեսզի աշխատողներն իմանան, թե երբ են դրանք օգտագործվում, իսկ այցելուները խուսափեն անհարկի փոխադրեցությունից: Լվացքատները նշանակված այցելուի միջև փակ պահեք՝ մաքրման համար համապատասխան ժամանակ ապահովելու համար:
- Եթե հերթագրման համակարգը հնարավոր չէ ներդնել, ֆիզիկական հեռավորություն պահպանեք՝ փակելով մյուս բոլոր մեքենաները, որպեսզի հնարավոր լինի այցելուների միջև վեց ոտնաչափ ֆիզիկական հեռավորություն պահպանելը: Խրախուսեք այցելուներին դրսում սպասել, քանի դեռ լվացքը լվացվում/չորանում է: Որպես այլընտրանք՝ կիրառեք տեսանելի հուշումներ՝ ուղղորդելու այցելուներին, թե որտեղ կանգնեն, և սահմանափակեք մուտքը, որպեսզի առանձին այցելուները կարողանան մի քանի մեքենա օգտագործել, որոնք մեկ տեղում են: Որոշեք, թե որքան պետք է լինի սենյակի առավելագույն տարողունակությունը, և դռան վրա ցուցանակ փակցրեք, որում նշված կլինի, թե քանի այցելու կարող է միաժամանակ գտնվել սենյակում, ինչպես նաև մաքրման և ախտահանման ժամանակացույցը:



Հավելյալ դիտարկումներ հողի և շենքերի շահագործման վերաբերյալ

- Հողի մշակմամբ և շենքի սպասարկմամբ զբաղվող աշխատողները պետք է կարդան լրացուցիչ ուղեցույցը, որն առնչվում է հասանելի սահմանափակ ծառայություններին, որոնք կարելի է գտնել [Ավելի անվտանգ աղբյուրնաբերության նախագծի](#) վեբկայքում:
- Համոզվեք, որ բոլոր աշխատակիցներն անցել են ուսուցում, թե ինչպես անհրաժեշտության դեպքում օգտագործել բոլոր նպատակների համար

նախատեսված մաքրման և ախտահանման միջոցները, և ունեցեք դրանց բավարար պաշար: Հետևեք [Մաքրման և ախտահանման CDC ամբողջական ուղեցույցներին](#):

- Մաքրեք հավող մակերեսները հերթափոխների ընթացքում կամ մեկ օգտագործողից մյուսի արանքում՝ կախված նրանից, թե դրանցից որն է ավելի հաճախ կատարվում՝ ներառյալ, բայց չսահմանափակվելով աշխատանքային մակերեսներով, գործիքներով, բռնակներով և սողնակներով, ինչպես նաև շարժական սարքավորումներով՝ ներառյալ բոլոր տրանսպորտային միջոցների սրահների առկա մակերեսները:
- Նվազագույնի հասցրեք կամ դադարեցրեք սարքավորումների և գործիքների համատեղ օգտագործումը: Եթե գործիքները համօգտագործվում են, ախտահանեք դրանք յուրաքանչյուր օգտագործումից առաջ և հետո՝ համաձայն [CDC ուղեցույցների](#): Աշխատանքային օրվա ավարտին ախտահանեք բոլոր գործիքները:
- Պահանջեք, որպեսզի աշխատողները լվանան ձեռքերը կամ օգտագործեն ձեռքի ախտահանիչներ համօգտագործվող այնպիսի սարքավորումների կիրառման արանքում, ինչպիսիք են աշխատատեղի գործիքները, ռադիոները, շարժական սայլակները և այլ պարագաներ, և դրա համար վճարվող աշխատաժամանակ հատկացրեք:
- Անհրաժեշտ է հավաքարարներին կամ անվտանգության աշխատակիցներին տեղեկացնել, եթե նրանք պետք է աշխատեն մի վայրում, որտեղ վարակված մարդ է եղել: Վարակի գոտի վարակազերծելու համար խորհուրդ է տրվում օգտվել երրորդ կողմի որակավորված մաքրման ծառայություններից:
- Ցանկացած տարածք, որտեղ վարակված անձ է եղել, պետք է փակվի և օդափոխվի 24 ժամվա ընթացքում, եթե հնարավոր է, նախքան աշխատողները կմտնեն մաքրելու: Եթե հնարավոր է, օդափոխեք տարածքը որքան հնարավոր է երկար ժամանակ, սակայն 3 ժամից ոչ պակաս: Որպես այլընտրանք՝ ցանկացած տարածք, որտեղ վարակված մարդ է եղել, որի մուտքը կարող է արդյունավետ կերպով սահմանափակվել, կարող է փակվել յոթ օրով, որպեսզի վիրուսը ոչնչանա:
- Եթե մաքրման կամ պահակախմբի աշխատակիցներին խնդրում են ախտահանել որևէ տարածք, որտեղ եղել է COVID-19-ի դեպք, ապա նրանք պետք է սկսեն աշխատանքը միայն այն բանից հետո, երբ գործարկողը կտրամադրի պատշաճ պաշտպանիչ սարքավորումներ և կանցկացնի վտանգների վերաբերյալ ուսուցում և վերապատրաստում: Հավաքարարները և անվտանգության աշխատակիցները մաքրելու ընթացքում պետք է մեկանգամյա օգտագործման ձեռնոց կրեն բոլոր աշխատանքների համար՝ ներառյալ աղբի հետ գործ ունենալը: Աշխատողներին պետք է հիշեցնել, որ ձեռնոցները հանելուց հետո անմիջապես ձեռքերը լվանան օճառով և ջրով կամ օգտագործեն ձեռքի ախտահանիչներ: Կարող են պահանջվել լրացուցիչ PPE՝ ներառյալ ակնոցները՝ օգտագործվող մաքրող/ախտահանող ապրանքներից կախված և այն հանգամանքից, թե կա արդյոք դրանք ցողացրելու ռիսկ: Հավաքարարները պետք է ուսուցում անցնեն և տեղեկացվեն օգտագործվող մաքրող և ախտահանող միջոցների վտանգների, անվտանգության թերթիկների, պահանջվող PPE-ի և պահանջվող օդափոխության մասին:

- Տարածքներում, որտեղ աշխատակիցներն իրականացնում են մաքրման աշխատանքներ, պետք է բավարար չափով օդափոխություն իրականացվի: Եթե այդ աշխատանքներն իրականացվում են լոգարանում կամ այլ փոքր տարածքում, ապա համոզվեք, որ դուռը և պատուհանները բաց են թողնված:
- Ախտահանման հետ կապված ասթմայի վտանգը նվազեցնելու համար, ծրագրերը պետք է միտված լինեն ախտահանման միջոցներ ընտրել “N” ցանկից՝ ասթմայի համար անվտանգ բաղադրիչներով (ջրածնի պերօքսիդ, կիտրոնաթթու կամ կաթնաթթու): Խուսափեք այնպիսի միջոցներից, որոնք խառնում են այդ բաղադրիչները պերացետիկ թթվի, նատրիումի հիպոքլորիտի (սպիտակեցում) կամ ամոնիումի քառորդ միացությունների հետ, որոնք կարող են ասթմա առաջացնել: Հետևեք [Հանրային առողջապահական վարչության կողմից առաջարկվող ասթմայի համար անվտանգ մաքրման մեթոդներին](#):
- Մաքրում իրականացնող աշխատակիցներն իրենց հետ պետք է ունենան առաջին բուժօգնության պարագաներ՝ ներառյալ վիրակապեր կամ կտրվածք, քերծվածք, մաշկի բաց վերքեր կապելու այլ պարագաներ և բավարար պաշար՝ վիրակապերը հաճախակի փոխելու համար:
- Հաճախորդներին և այցելուներին պետք է հիշեցնել, որ նրանք պետք է շենքերի սպասարկող անձնակազմից, հավաքարարներից կամ անվտանգության աշխատակիցներից վեց ոտնաչափ հեռավորություն պահպանեն: Ներդրեք ընթացակարգ, ըստ որի պարբերաբար կստուգեք աշխատակիցներից, թե արդյոք այցելուները հետևում են այս պրոտոկոլի կետերին: Համոզվեք, որ աշխատակիցները կարող են նման տեղեկությունով կիսվել՝ առանց պատժվելու վախի:
- Բացօթյա հանգստի գոտիները շահագործողները պետք է գնահատեն՝ արդյոք շների զբոսայգին բավականաչափ մեծ է, որպեսզի տեղավորի այցելուներին և նրանց կենդանիներին, և ապահովի պատշաճ ֆիզիկական հեռավորությունը: Եթե տարածքը բավարար չէ, շների զբոսայգիները պետք է ընդլայնվեն, պետք է կրճատվի այցելուների թիվը, կամ դրանք պետք է փակվեն:

Ինցեյի խմբերի համար պետք է կիրառվեն լրացուցիչ պահանջներ: Կեմպինգները, ավտոֆուրգոնների կայանատեղիները, դահուկային սպորտի տարածքները և այլ բացօթյա հանգստի գոտիների շահագործողները պետք է հետևեն բոլոր [Cal/OSHA](#) չափանիշներին և պատրաստ լինեն հետևել դրա ուղեցույցին, ինչպես նաև [Հիվանդությունների վերահսկման և կանխարգելման կենտրոնների \(CDC\)](#) և [Կալիֆոռնիայի Առողջապահության դեպարտամենտի \(CDPH\) ուղեցույցներին](#): Բացի այդ, գործատուները պետք է պատրաստ լինեն փոփոխել իրենց գործունեությունը՝ այդ ուղեցույցների փոփոխությանը համապատասխան:

